

Mid-Day Dogri News Bulletin, 18th July 2025

समे – 12:25

<><><><><><>

LG-IIM

उपराज्यपाल मनोज सिन्हा होरें अज्ज आईआईएम जम्मू च ओरियंटेशन प्रोग्राम दे समापन सत्र च हिस्सा लैगन। नमें एमबीए, ईएमबीए, पीएचडी ते एमबीए हैल्थकेयर दे बैच दे विद्यार्थीएं लेई आईआईएम जम्मू दे जगती कैंपस च होलीस्टिक ओरियंटेशन प्रोग्राम शुरू होआ हा। इस कार्यक्रम दी शुरूआत केन्द्रीय राज्यमंत्री डा/. जितेन्द्र सिंह हुंदे आस्सेआ नमें होस्टल परिसर दे उद्घाटन कन्नै होई। अज्ज मुख् सचिव अटल डुल्लू होर बी उत्थें मजूद रौंहगन ते सत्र गी संबोधत करगन।

<><><><><><>

Swachh Bharat Ranking

जम्मू कश्मीर च स्वच्छ सर्वेक्षण 2024 च बेह्तरनीन कारकरदगी दस्सी ऐ। केन्द्र शासत प्रदेश सतह च जम्मू म्यूनियिपल कारपोरेशन दे साफ स्वच्छ शैहर दे तौरा पर उभरा'रदे शैहर दे तौर पर अपनी मजूदगी दर्ज करोआई ऐ। स्वच्छता रैंकिंग च बेह्तर सुधार लेई जम्मू शैहर गी 3 स्टार गारबेज फ्री शैहर दा प्रमाणपत्र दिक्ता गेआ। एह्दे अलावा उभरदे शैहर दी श्रेणी च पंछान हासल कीती। जम्मू कश्मीर शैहरी मकामी निकाएं दे इस ब'रे बेह्तर ते टकोह्दी कारकरदगी दस्सी ऐ। एह् सब कचरा प्रबंधन, साफ—साफ ते लोकें दे सैह्योग कन्नै संभव होआ ऐ।

<><><><><><>

US-Pahalgam

अमरीकी विदेश विभाग नै 22 अप्रैल गी जम्मू कश्मीर दे पहलगाम च होए दे आतंकी हमले आस्तै जिम्मेदार टीआरपी गी इक विदेशी आतंकवादी संगठन ते खास करियै इक नामित वैश्विक आतंकवादी घोषत कीता ऐ। इस हमले च 26 लोक मारे गे हे। अमरीकी विदेश मंत्री मार्को रुबियो होरें आखेआ ऐ जे एह् गैह् राष्ट्रपति डोनाल्ड ट्रंप हुंदा पहलगाम हमले आस्तै न्याय दी अपील दा समर्थन करदी ऐ ते आतंकवाद खलाफ प्रशासनदे सख्त रवैइयै गी दर्शादी

ऐ। लश्करे तैयबा दे टीआरएफ दे 22 अप्रैल गी पहलगाम च होए दे हमले दी जिम्मेदारी लैती ऐ।

<><><><><><>

Jaishankar-US TRF

भारत नै पहलगाम आतंकी हमले लेइ जिम्मेदार समूह द रैसीडेंस फ्रंट छीआरएफ गी विदेशी आतंकवादी संगठन घोषित करने दे अमरीका दे फैसले दी सराहना कीती ऐ। सोशल मीडिया दी इक पोस्ट च विदेश मंत्री डॉ. एस.जयशंकर होरें दस फैसले लेई अमरीका दे विदेश विभाग ते विदेश मंत्री मार्को सबियो हुंदी यराहना कीती उनें आखेआ जे एह भारत-अमरीका आतंकवाद रोधी सैहयोग दी तस्दीक करदा ऐ।

<><><><><><>

Satish Delegation

ट्रांसपोर्ट मंत्री समीश शर्मा होरें केई सारे प्रतिनिधिमंडलें कन्नै मलाटी कीती जिंदे च जेकेआरटीसी दे पिंशनरी, नेहरू युवा केन्द्र दे स्वयं सेवी ते बक्ख-बक्ख जिले दे नागरिक शामिल हे। इनें प्रतिनिधिमंडलें ढांचे, राशन सप्लाई, युवा रोजगार ते ट्रांसपोर्ट सरबन्धी मामले अगगे रखे। मंत्री होरें प्रतिनिधिमंडल गी भरोसा दोआया जे सरकार उनेंगी हर चाल्ली दी संभव सहायता देग ते मामलें दा समें सिर हल करने लेई वचनबद्ध ऐ।

<><><><><><>

Rana Traking Routes

जनजातीय मामलें दे मंत्री जावेद अहमद राणा होरें जम्मू कश्मीर च पर्यावरण अनुकूल सैलसफा गी बढ़ावा देने आस्तै नमें ट्रैकिंग ट्रायल शुरू करने दा आह्वान कीता ऐ। सिविल सचिवालय च इक बैठक दी अध्यक्षता करदे होई उनें ट्रैकिंग च बन सबन्नता आले ते कौशल विकास गी जनजातीय समुदायें दे नोजवानें गी सशक्त बनाने लेई जंगलात ते जनजातीय मामलें दे मैहकमें बश्कार सैहयोग गी बढ़ावा देने पर जोर दित्ता। इस पैहलकदमी दा मकसद नोजवानें गी इको ट्यूरिसम दे तौरा पर प्रशिक्षित करना ऐ, जेह्दे कन्नै चपासम दे संतुलन गी बचाने दे कन्नै कन्नै उनेंगी रोजी रूट्टी दे मौके उपलब्ध करोआना ऐ। राणा होरें

आखेआ ऐ जे इस कदम कन्नै केन्द्र शासत प्रदेश च जनजातीय समुदायें दी सांस्कृतिक विरासत ते कौशल विकास गी बढ़ावा थहोग।

<><><><><><>

Ind. Day

जम्मू दे डिविजनल कमीशनर रमेश कुमार ते आईजीपी भीम सेन टूटी होरें इक उच्च सतह दी बैठक लाइयै औंदे स्वतंत्रता दिवस दे मौके पर जम्मू खित्ते च होआ'रदी तैआरिएं दा जायजा लैता। मुख्य कार्यक्रम एम.ए.स्टेडियम जम्मू च होग। एहदे च सुरक्षाबल, एनसीसी ते स्कूली बच्चें दे दस्ते हिस्सा लेंगन। बैठक च सुरक्षा, ट्रैफिक बवस्था, साफ सफाई, सेहत दिक्खभाल ते सांस्कृतिक कार्यक्रमें पर चर्चा होई। मैहकमे गी हिदायत दित्ती गेई जे ओह पसेडल अफसरें गी नामजद करन ते आपूं चै दे तालमेल लेई नियंत्रण कक्ष कायम करन। प्रशासन दा मकसद इस कार्यक्रम गी सुचारु ते सब्बने दी शमूलियत कन्नै सफलतापूर्वक सम्पन्न करोआना ऐ।

<><><><><><>

Aadhar

समुदायिक गौरव ते पुलस पब्लिक सौहार्द गी बढ़ावा देने दे मकसद कन्नै जम्मू पुलस नै अखनूर जोड़ियां रोड पर पुन्नू चौक दे कश इक सैल्फी पोआइंट थमां पड़दा गुहाड़ेआ। इस पैहल दी शुरूआत अखनूर थाने गी गृह मंत्रालय आस्सेआ हाल च गै थहोए दे उमृष्टिता प्रमाण पत्र दे मगरा कीती गेई ऐ। एहदा उद्घाटन एसपी ग्रामीण ब्रिजेश शर्मा होरें कीता। इस कार्यक्रम च विधायक मोहन लाल भगत ते मकामी लोकें हिस्सा लैता।

<><><><><><>